



Universitätsbibliothek Paderborn

Commentarivs Martini Lvtheri in Ionam Prophetam

Luther, Martin

Haganoæ, [15]26

VD16 B 3890

Et ego cogitaba[m], abiectus sum ex oculis tuis, non adiiciam amplius ut
uideam templu[m] sanctum tuum.

urn:nbn:de:hbz:466:1-35968

IN IONAM

qui, & hoc eam ob rem, quod non obscure eius sensē
rit cōscientia, mare procellis & fluctibus suis Deo et **Conscientiae**
irae sue dedisse operam, in puniendis peccatis, dicitq; **angor.**
omnes elevationes & fluctus operuerūt me. Ita enim
tunc illi iussum est, omnibus procellis & fluctibus se
se opprimi, quicunq; essent sub cōelo & terra, nec
esse quenquam alium, quem diuina iracundia preme-
ret, cui Deus & creaturæ omnes essent æque adiuer-
sæ. Non secus quoq; complures qui in magno sunt
mœrore & animi angustia, dictitant se cœli & terræ
onere grauatos esse. Atq; hæ sunt uera illæ poenæ,
quæ post hanc uitam miseram & infelicem illam pec-
catores consequentur. Et illud quidem diuini furoris
& iudicij initium est, quod nullo fine terminabitur.
Porro hic uersiculus affinis est illi, quem Prophetæ
Psal 42. cecinit, omnia excelsa tua & fluctus tui super
me transferunt. Et sane uerisimile est Ionam inde
mutuatum esse.

Et ego cogitabā, abiectus sum ex
oculis tuis, non adiiciam amplius
ut uideam templū sanctum tuum.

Hic tandem poena tangit conscientiam. Volebat
enim à facie Domini se proripere, quo minus ad Ni-
niutas iret predicaturus, in quo Deo non obsequens

G 5

C O M M E N T A R I V S

grauiter peccauerat. Nunc uero primum sentire incipit, quām uere à facie Dei abiectus sit, supplicioq; destinatus, quod inuito animo perfert, qui prius in conspectu Dei manere recusabat propter peccatum in-

Sensus iræ di

obedientiae sue.

Et hic, nisi mea me fallat opinio, sui

ipsius cordis testimonio & accusatione conuictus est,

quod his illum haud dubie uerbis tacitæ cogitationis compellavit, Ecce Iona, an non uideris tibi satis procul à Domino te ausfigisse, aut se iunctum esse? Hic ex æquo et à peccato non dicendis modis urimur, insi stamurq; tum etiam à poena premimur. Dupliciter sensu intelligi potest, quod à facie Domini abiectum se esse conqueritur. Principio externe & corporaliter, ita quod apud animum suū ita statuerat si bi moriendum esse, & quod prorsus deferauerat nunquam fore, ut incolumis in patriam reuertere illi, inq; medio populi sui coram Domino inambularet in Israël, ex qua, ut supra audiuimus fugerat. Ut figura à facie Domini, nihil aliud significet, quām ex Israël fugituum Ionam ceßisse, in qua Deus uersatur, & Dei cultus uigebat. Quemadmodum saepe numero in libris Reg. scriptum est, Deum Israël conspectu suo dimouisse. Iude quoq; minitari broui futurum esse, ut à facie sua projiciatur, hoc est, ea regione se exterminaturum Iudam, ubi Verbum

IN IONAM

¶ cultus eius erant. Et hunc quidē sensum sequentia uerba confirmant, uidelicet, non amplius uidebo sanctum templum tuum, nimirum illud quod extrahitum erat in Hierusalem. Quibus sane uerbis hoc plane testatur, se cum morte uehementer luctatum esse, ac manus quidem uictas morti ultro obtulisse. In quantis uero angustijs et perturbationibus tunc illius fidem stetisse credendum est, quod adeo nulli mirum uideri debeat. Quis enim in talicauitam sibi polliceri temere audeat, qui in mari submersus, adhacē a ceto foret absorptus?

SECVND O spirituali intelligentia, ita ut senserit perpetuo quoque a Deo se esse proiectum. Propterea quod minus Deo fuerit obsequens, sicut damnati. Nec raro David in suo Psalterio ita cecinit, ueluti Psal. 31. Ego autem dixi in excessu mentis meae, proiectus sum a facie oculorum tuorum. Et hunc quidem sensum naturali quadam ratione secum adducit peccatum in conscientia, præcipue uero in mortis necessitate. Quamobrem ita sensisse Ionam dubium non est, atque adeo magno conflixisse certamine cum desperatione, de non amplius consequenda Dei misericordia et gratia, certum est, priusquam fidem penè amissam, et extinctam denuo recuperarit, et Dominum inclamauerit. Hic in mem-

C O M M E N T A R I V S

tem illi uenere omnis generis diuinī furoris exempla,
quibus peccatores partim grauter puniuit, partim
funditus subuertit, cuiusmodi sunt Adam & Heuæ
paradiso expulsio, Cain fraticidæ damnatio, dilu-
uij inundatio, Sodomæ & Gomorrhæ subuersio. Et
hæc profecto una & certa infernalis poenæ pars est,
quæ post hanc uitam multis modis excarnificabit im-
Peccatorū cō-
ditiopost mor-
tem.

scu
etas
etu
ut c
dem
ter
æt
in u
tibu
poss
prop
ēun
mer
Qu
bus
ram
tes
simi
non
dum
elab
ceri
scu

pios. Vides itaq; hic, his duabus rationibus graphi-
ce depictum, quid rerum peccatores post hanc uitam
agant aut moliantur, cogitent aut faciat, nempe per
petuis mortis angustijs, perpetuoq; tremore, horro-
re & desperatione exagitantur. Porrò Ionas in eam
opinionem & desperationem haud difficulter deueni-
re potuit, dum in fundū præcipitatus & fluctibus cu-
cundatus, aquarum præterea inundationibus seu ele-
uationibus coopertus erat, sicut supra dixit & am-
plius, in commemorando pergit.

Circumfusa est mihi aqua usq; ad
animam, abyssus uallauit me, alga
cooperuit caput meum.

Quam uitæ spem aut consolationem concipere po-
tui, cum aquis quaqua uersum in medijs oceani fluctu-
bus circundabar, alga & carice coopertus? Hæc ad
istam rationē dicta sunt, quod ferè uideamus littora

scu